

ხელშეკრულება სახელმწიფო შესყიდვის შესახებ N15/3-140

ქ. თბილისი

„18“ აპრილი 2022 წელი

ერთი მხრივ საქართველოს შინაგან საქმეთა სამინისტროს სახელმწიფო საქვეუწყებო დაწესებულება საქართველოს სასაზღვრო პოლიცია (მის: ქ. თბილისი, ს. კანდეკალის ქუჩა N12, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 211356557), შემდგომში წოდებული „შემსყიდველად“, წარმოდგენილი მისი უფროსის - ნიკოლოზ შარაძის სახით და

მეორე მხრივ შპს „ნასა ჯორჯია“, საიდენტიფიკაციო კოდი: 404868381, წარმოდგენილი მისი დირექტორის გოგიტა ჯალიაშვილის სახით. შემდგომში „მიმწოდებელი“.

მისამართი: საქართველო, ქ. თბილისი, მთაწმინდის რაიონი, მარი ბროსეს ქ., N 2, სადარბაზო 3, სართული 2, ბინა N30 **ტელეფონი:** +995 599 15 13 13, **ელ. ფოსტა:** nasaarmysurplus@gmail.com

საბანკო რეკვიზიტები: ს.ს. „საქართველოს ბანკი“, **ბანკის კოდი:** BAGAGE22, ა/ა GE91 BG00 0000 0390 9988 00.

ორივე ერთად წოდებული როგორც მხარეები, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, 2022 წლის სახელმწიფო ბიუჯეტის დაფინანსების ფარგლებში შინაგან საქმეთა სამინისტროს საქართველოს სასაზღვრო პოლიციის მიერ გამოცხადებული **NAT220002399** ელექტრონული ტენდერის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") - საქართველოს შინაგან საქმეთა სამინისტროს სახელმწიფო საქვეუწყებო დაწესებულება საქართველოს სასაზღვრო პოლიცია;

1.1.4. "მიმწოდებელი" - შპს „ნასა ჯორჯია“;

1.1.5. „შესყიდვის ობიექტი“- წინამდებარე ხელშეკრულების მე-2 მუხლით გათვალისწინებული საქონელი.

1.1.6. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.7. „ტექნიკური დოკუმენტაცია“ - მიმწოდებლის მიერ **NAT220002399** ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

1.2. ხელშეკრულებაში გამოყენებული სხვა ტერმინები უნდა განიმარტოს ხელშეკრულების შინაარსიდან და კონკრეტული კონტექსტიდან გამომდინარე, საქართველოს კანონმდებლობის შესაბამისად.

2. შესყიდვის ობიექტი

წინამდებარე ხელშეკრულების დანართი N1-ით განსაზღვრული ზაფხულის ფეხსაცმლის შესყიდვა (**CPV188**).

3. შესყიდვის ღირებულება

3.1. ხელშეკრულების საერთო ღირებულებაა: 1 050 000 (ერთი მილიონ ორმოცდაათიათასი)ლარი.

3.2. ხელშეკრულების ღირებულება მოიცავს, როგორც შესყიდვის ობიექტი ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.

4. მიწოდების პირობები

- 4.1. მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით, დანართი N1-ით განსაზღვრული ვადების შესაბამისად.
- 4.2. ფასების ცხრილში მოცემული საქონელი მოწოდების დროს უნდა იყოს ახალი, ექსპლუატაციაში არ მყოფი; ფეხსაცმლის თითოეული წყვილი შეფუთული უნდა იყოს ცალ-ცალკე მუყაოს ყუთში, თითოეული ყუთის გარეკანზე უნდა იყოს მითითებული ფეხსაცმლის შესაბამისი ზომა.
- 4.3. მოწოდებული საქონლის ყველა პარტია უნდა შეესაბამებოდეს სატენდერო პირობებით და ხელშეკრულების დანართი N1-ით გათვალისწინებულ ტექნიკურ მახასიათებლებს.
- 4.4. მოწოდებულ საქონელს უნდა ჰქონდეს მწარმოებლის მიერ დატანილი ეტიკეტ(ებ)ი ზომის, მწარმოებელი ფირმის, მწარმოებელი ქვეყნის, მოდელისა და სხვა საჭირო ინფორმაციის შემცველობით.

5. გარანტია და შესყიდვის ობიექტის ნაკლი

- 5.1. მიმწოდებელი შესყიდვის ობიექტის ხარისხზე მიღება-ჩაბარების აქტის გაფორმებიდან იძლევა 1 წლიან გარანტიას, მის მიერ შემოთავაზებული პროდუქციის ხელშეკრულებით გათვალისწინებულ ტექნიკურ პარამეტრებთან შესაბამისობის შესახებ.
- 5.2. წუნდებული/ხარვეზიანი საქონლის შეცვლა უნდა განხორციელდეს შემსყიდველის მოთხოვნიდან 20 სამუშაო დღეში (მოთხოვნის თარიღად ჩაითვალება საქართველოს სასაზღვრო პოლიციის უფლებამოსილი პირის მიერ გაგზავნილი შეტყობინება (წერილით ან ელ. ფოსტაზე).
- 5.3. ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, აღმოჩენილი ნაკლის არსებობის შემთხვევაში, მიმწოდებელი ვალდებულია შეტყობინების მიღებისთანავე მაგრამ არაუმეტეს 20 (ოცი) სამუშაო დღის ვადაში გამოასწოროს ნაკლი, შემსყიდველის მხრიდან დამატებითი დანახარჯების გაწევის გარეშე.
- 5.4. მიმწოდებლის ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

6. ხელშეკრულების შესრულების კონტროლი

- 6.1. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი) კერძოდ, „შემსყიდველის“ საფინანსო-სამეურნეო უზრუნველყოფის მთავარი სამმართველოს ლოჯისტიკის სამსახურის სამეურნეო უზრუნველყოფის მართვისა და დაგეგმვის განყოფილებიდან და მატერიალური მარაგების სამსახურიდან გამოყოფილი უფლებამოსილი პირი ან პირები.
- 6.2. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ.
- 6.3. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.
- 6.4. მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.
- 6.5. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა ხარვეზის ან ნაკლის აღმოფხვრა.
- 6.6. ხელშეკრულების გაფორმების შემდეგ მიმწოდებელი ყველა საკითხზე მიმართავს შსს სასაზღვრო პოლიციის საფინანსო - სამეურნეო უზრუნველყოფის მთავარი სამმართველოს (მათ შორის ხელშეკრულებაში ცვლილების განხორციელებასთან დაკავშირებით).

7. შესყიდვის ობიექტის მიღება-ჩაბარების წესი

- 7.1. მისაწოდებელი შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. შესყიდვის ობიექტის გადაცემა ხდება მიღება-ჩაბარების აქტის საფუძველზე, მიწოდების ადგილის მიხედვით.
- 7.2. ამ ხელშეკრულების მიზნებისათვის მიწოდებად არ ითვლება ნაკლიანი ან ხელშეკრულებით გათვალისწინებულ მოთხოვნებთან შეუსაბამო შესყიდვის ობიექტის წარმოდგენა. ასეთ შემთხვევაში აღნიშნულზე მიღება-ჩაბარების აქტი არ ფორმდება.
- 7.3. მიღება-ჩაბარებას ახორციელებენ სათანადოდ უფლებამოსილი პირ(ებ)ი კერძოდ, „შემსყიდველის“ საფინანსო-სამეურნეო უზრუნველყოფის მთავარი სამმართველოს ლოჯისტიკის სამსახურის სამეურნეო უზრუნველყოფის მართვისა და დაგეგმვის განყოფილებიდან და მატერიალური მარაგების სამსახურიდან გამოყოფილი უფლებამოსილი პირი ან პირები.

7.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორება

8.1. ანგარიშსწორება მოხდება უნაღდო ანგარიშსწორებით ლარში.

8.2. ანგარიშსწორება განხორციელდება 2022 წლის სახელმწიფო ბიუჯეტის სახსრებით, ეტაპობრივად, ფაქტიურად მიწოდებული საქონლის მიხედვით. კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან და მიღება ჩაბარების აქტის გაფორმებიდან არაუგვიანეს 10 სამუშაო დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8.2.1. წინასწარი ანგარიშსწორების (ავანსი) გამოყენება შესაძლებელია, ხელშეკრულების საერთო ღირებულების არაუმეტეს 50%-ის ოდენობით, საავანსო თანხის იდენტური ოდენობის, უპირობო, გამოუთხოვადი საბანკო გარანტიის წარმოდგენის შემთხვევაში (რომლის მოქმედების ვადა არანაკლებ 60 კალენდარული დღით უნდა აღემატებოდეს საქონლის მიწოდების საბოლოო ვადას), რაც გულისხმობს, გარანტი იღებს ვალდებულებას, ყოველგვარი უარყოფისა და გასაჩივრების უფლების გარეშე, წერილობითი მოთხოვნის წარდგენიდან მომდევნო 5 (ხუთი) სამუშაო დღის ვადაში, გადაუხადოს ბენეფიციარს თანხა თუ პრინციპალმა არ შეასრულა ბენეფიციართან გაფორმებული სახელმწიფო შესყიდვების შესახებ ხელშეკრულებით ნაკისრი ვალდებულებები. 8.2.3 უპირობო, გამოუთხოვადი წინასწარი ანგარიშსწორების (საავანსო) გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან, ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

8.3 დარჩენილი ღირებულების გადახდა მოხდება ავანსად მიღებული თანხის სრულად გამოქვითვის შემდეგ.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შესყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა გათვალისწინებით.

9.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში შესაძლებელია ფასის გაზრდა. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.5. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

9.6. ხელშეკრულების ღირებულების შემცირება დასაშვებია ფაქტობრივად მიწოდებული შესყიდვის ობიექტის ღირებულების გათვალისწინებით.

9.7. იმ შემთხვევაში, თუ აუცილებელი გახდება ხელშეკრულებით გათვალისწინებული შესყიდვის ობიექტის საერთო რაოდენობის გაზრდა ან შემცირება, ანგარიშსწორება შესყიდველის მიერ მოხდება ფაქტობრივად მიწოდებული შესყიდვის ობიექტის ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.

9.8. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

10. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა და გადახდის ვადები)

10.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

10.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

10.3. ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.10%-ის ოდენობით.

10.4. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

10.5. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

11. ხელშეკრულების შეწყვეტა

11.1. ხელშეკრულების დამდეგი ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

11.2. ხელშეკრულების დამდეგი მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

11.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.5. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

11.6. ამ მუხლის პირველსა და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12. ხელშეკრულების შესრულების უზრუნველყოფის გარანტია

12.1. ხელშეკრულების შესრულების უზრუნველყოფის მიზნით მიმწოდებელი ვალდებულია ხელშეკრულების გაფორმებამდე წარმოადგინოს საბანკო ან სადაზღვევო დაწესებულების მიერ გაცემული, ხელშეკრულების უზრუნველყოფის უპირობო გამოუთხოვადი საბანკო გარანტია, რომელიც წარმოადგენს ხელშეკრულების განუყოფელ ნაწილს. ხელშეკრულების შესრულების უზრუნველყოფის საბანკო გარანტიის მოქმედების ვადა მინიმუმ 60 კალენდარული დღით უნდა აღემატებოდეს ხელშეკრულების მოქმედების ვადას.

12.2. ხელშეკრულების უზრუნველყოფის უპირობო გამოუთხოვადი საბანკო გარანტიის ოდენობა განისაზღვრება ხელშეკრულების ჯამური ღირებულების 5%-ის ოდენობით.

12.3. მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ორგანიზაცია ვალდებულია დაუბრუნოს საბანკო გარანტია ან/და მასთან დაკავშირებული დოკუმენტაცია მოთხოვნიდან 14 დღის განმავლობაში.

12.4. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებელს მოთხოვნიდან 14 დღის განმავლობაში დაუბრუნოს ხელშეკრულების შესრულების უზრუნველყოფის საბანკო გარანტია.

12.5. გარანტია უნდა იყოს უპირობო, ე.ი. გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე.

13. ხელშეკრულების მოქმედების ვადა

13.1. ხელშეკრულება ძალაში შედის მხარეების მიერ კვალიფიციური ელექტრონული ხელმოწერის ან კვალიფიციური ელექტრონული შტამპის დასმის დღიდან და მოქმედებს 2023 წლის 31 იანვრის ჩათვლით. მაგრამ არაუადრეს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

12.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, შესყიდვის ობიექტის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგვლივ.

14.2. თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

15. სხვა დებულებები

15.1. ხელშეკრულება შედგენილია ქართულ ენაზე ოთხი თანაბარი იურიდიული ძალის მქონე ეგზემპლარად.

15.2. ხელშეკრულება ძალაში შედის ხელმოწერისთანავე.

Nº	საქონლის დასახელება	წარმოშობის ქვეყანა, მწარმოებელი/ზრენდი და მოდელი	საქონლის ძირითადი მახასიათებლები (ტექნიკური პირობები)	ზომის ერთეული	რაოდ-ბა	ერთეული ღირებულება (ლარი)	ჯამური ღირებულება (ლარი)	გარანტია	მიწოდების ადგილი	მიწოდების ვადა
1	ზაფხულის ფეხსაცმელი	ჩინეთი / Five Star Enterprises Ltd / FST BK	იხილეთ შემდეგ გვერდზე	წყვილი	3500	300	1050000	მიღება - ჩაბარების აქტის გაფორმებიდან 1 წელი	ქ.თბილისი, ქიზიყის ქ. №1	ხელშეკრულების გაფორმებიდან 120 კალენდარული დღის განმავლობაში

ტექნიკური დავალება

მაღალეფიანი ფეხსაცმელი (ბათინკი) საზაფხულო - 3500 წყვილი
სიმაღლე C ტიპის (EN ISO 20347 სტანდარტის თანახმად)

საზედაპირე ნამზადი:

ფერი შავი. საქონლის ჰიდროფობური ტყავის, სისქით 1.8-2.2 მმ და ქსოვილის კომბინაციით. შედგება ექვსი ორმაგი გვირისტიტ დამუშავებული ძირითადი დეტალისგან:

1. ერთი მთლიანი თარგისგან დამზადებული ტყავის ცხვირი და საკავში;
2. ქსოვილის კოჭმფარი, რომელსაც ორივე გვერდულზე საკავშის დაბოლოებიდან უკნითამდე გააჩნია ლანჩაში ჩამაგრებული გამაძლიერებელი ტყავის დამხმარე დეტალები, რომელიც ზედნადები ორმაგი გვირისტიტ არის დამაგრებული კოჭმფარზე;
3. ტყავის უკნითა;
4. ქსოვილის ენაკი,

რომელიც კოჭიდან ზედა ნაწილში დამუშავებულია ტყავის ჩანართით. ენაკს ზედა ნაწილში გააჩნია რბილი სადები და გარეთა მხარეს ტყავის ჩანართზე ჩამაგრებულია მეტალის ღია კაუჭი ფიქსაციისთვის;

5. ტყავის ზერგოლაკი, რომელიც დაყოფილია ორ - ზედა და ქვედა ნაწილებად. ზედა ნაწილი რკალისებურია და ჩამაგრებულია უკნითაში.

6. ტყავის ყელქობა. ფეხსაცმელს უკანა მხარეს, უკნითასა და ყელქობას შორის გააჩნია ტყავის დამოუკიდებელი დამხმარე დეტალი, გვირისტიტ გაყოფილი რკალისებური ჩანართი (სახსარი), უკნითასა და კოჭმფარის მაკავშირებლის სახით, რომელიც უზრუნველყოფს კოჭის სახსარში შეუზღუდავ და კომფორტულ მოძრაობას; ფეხსაცმელს უკანა მხარეს ასევე გააჩნია ზედნადები მეთოდით, გვირისტიტ დამუშავებული ტყავის ამოსაქაჩი მარყუჟი, სისქით 2,5 სმ (± 3 მმ) რომელიც შიდა მხარეს გამაგრებულია სპეციალური ნაქსოვი ლენტით. ენაკი იკეტება ზედა მეორე საყაითნესთან. ენაკის სიმაღლე ყელქობის ყველაზე მაღალ წერტილს აღემატება არანაკლებ 2 სმ-ით. ყველა გვირისტიტ შესრულებულია შავი ფერის წყალამსხლეტი ძაფით. გვირისტი არის ერთგვაროვანი.

სარჩული:

ფეხსაცმელი მთელს შიდა პერიმეტრზე დამუშავებულია შავი ბადექსოვილის სარჩულით, სარჩულის დამაგრების მეთოდი არის იმგვარი, რომ ვიზუალურად ჩანს ძირითადი ღაბაში. უკნითა ძირითადი ღაბაშიდან დამუშავებულია შავი ფერის უქსოვადი მასალის (მიკროფიბერი) ზედნადები სარჩულით, რომელიც გაგრძელებულია ყელქობამდე არანაკლებ 3 სმ-ით.

კარკასული დეტალები:

ბათინკზე გამოყენებულია არა მეტალის კარკასული დეტალები მყარი საქუსლარის, ცხვირქვედას და მაღალი სიმკვრივის კამარის სახით.

ძირითადი ღაბაში:

ძირითადი ღაბაშის მასალა არის უქსოვადი ბოჭკოს ნაერთი, ქეჩისმაგვარი (არ არის მუყაო), რომელიც საზედაპირე ნამზადზე დამაგრებულია შემოკერვის მეთოდით.

ჩასაფენი ღაბაში:

ჩასაფენი ღაბაშის მასალა არის ე.წ. HI-POLY ქაფით ფორმირებული ბაზისი, მსუნიტქავი პოლიესტერის ქსოვილის ფენით დამუშავებული, ამოსაღები, ნესტგამწოვი, ფეხის ტერფის ანატომიური ფორმის (იმეორებს ტერფის ფორმას). სისქე კონათა ნაწილში არის 5 ± 1 მმ.

დამხმარე მასალები:

ბათინკზე გამოიყენება 6 წყვილი მეტალის საყაითნე, ფერი ე.წ. „მეტალიკი“. აქედან ზერგოლაკის ზედა ნაწილზე გამოყენებულია 3 წყვილი ღია, სწრაფი შეკვრის სისტემის საყაითნე; ერთი წყვილი

დახურული სწრაფი შეკვრის სისტემის საყაითნე ჩამაგრებულია საკავშირის ტყავში, ხოლო დანარჩენი დახურული სწრაფი შეკვრის საყაითნეები ჩამაგრებულია ქვედა ზერგოლაკში. ყაითანი არის მრგვალი ფორმის, მჭიდროდ ნაქსოვი და ადვილად მოძრაობს საყაითნეებში. ყაითანის სიგრძე არის 180 სმ.

საძირე მასალა:

საძირე მასალა არის ორშრიანი. შიდა შრე პოლიურეთენი, გარე შრე რეზინი. პოლიურეთენის შიდა შრის სისქე ქუსლის ყველაზე მაღალ წერტილში არის 2.8 სმ $\pm$ 2 მმ. რეზინის გარე შრის სისქე ქუსლის ყველაზე მაღალ წერტილში არის 2.5 სმ. $\pm$ 2 მმ. ხოლო რეზინის გარე შრის ცხვირის ყველაზე მაღალ წერტილში 2.0 სმ. $\pm$ 2 მმ. ძირის მიმაგრება ზედაპირთან პირდაპირი ინჟექტირების მეთოდით ფორმირებული. ფეხსაცმლის ზომის დიაპაზონი 36–48 (ევროპული). ფეხსაცმელს შიდა მხარეს გააჩნია თერმული ტექნოლოგიით დაწებებული (არა დაკერებული) CE მარკირება, რომელზეც დატანილია მოდელი, ზომა, მწარმოებელი და დამატებითი დამცავი ფუნქციები.

სერთიფიკატი:

შემოთავაზებული ფეხსაცმლის მოდელს გააჩნია EN ISO 20347 მოქმედი სერთიფიკატი და აკმაყოფილებს შემდეგ დამატებით დამცავ ფუნქციებს - O2 HRO HI CI FO SRC. სერთიფიკატი ატვირთულ იქნება ერთიან ელექტრონულ სისტემაში და მასში ნათლად იკითხება მოდელის შესახებ შემდეგი ინფორმაცია:

- ა) არის თუ არა დამზადებული შავი ფერის ნატურალური ტყავის და შავი ფერის ქსოვილის კომბინაციით;
- ბ) არის თუ არა ენაკი დამზადებული ტყავის და ქსოვილის კომბინაციით;
- გ) გააჩნია თუ არა ბადექსოვილის სარჩული და მიკროფიბრის ან მსგავსი მასალის უკნითას სარჩული;
- დ) საყაითნეების რაოდენობა და ტიპი (არის თუ არა სწრაფი შეკვრის სისტემის);
- ე) ძირითადი ღაბაშის მასალა და დამაგრების მეთოდი;
- ვ) ამოსაღებია თუ არა ჩასაფენი ღაბაში;
- ზ) ძირის მასალა და მიმაგრების მეთოდი.

შემოთავაზებული საქონელი იქნება ახალი, ექსპლუატაციაში არ მყოფი; ფეხსაცმლის თითოეული წყვილი შეფუთული იქნება ცალ-ცალკე მუყაოს ყუთში, თითოეული ყუთის გარეკანზე მითითებული იქნება ფეხსაცმლის შესაბამისი ზომა.

ხელშეკრულების შესრულების
უპირობო და გამოუთხოვადი საბანკო გარანტია №400099391

ქ. თბილისი

12 აპრილი, 2022 წელი

გარანტი: სს „სადაზღვევო კომპანია ევროინს ჯორჯია“ (ს/ნ: 204491344)
მისამართი: საქართველო, ქ. თბილისი, ილო მოსაშვილის ქუჩა, №24
პრინციპალი: შპს „ნასა ჯორჯია“ (ს/ნ: 404868381)
მისამართი: საქართველო, ქ. თბილისი, მარი ბროსეს ქ., №2
ბენეფიციარი: შინაგან საქმეთა სამინისტროს საქვეუწყებო დაწესებულება სასაზღვრო პოლიცია (ს/ნ: 211356557)
მისამართი: საქართველო, ქ. თბილისი, კანდელაკის ქ. №12
გარანტიის თანხა და ვალუტა: 52,500.00 (ორმოცდათორმეტი ათას ხუთასი) ლარი.

მხედველობაში ვიღებთ რა, რომ შპს-მ „ნასა ჯორჯია“ (შემდგომში „პრინციპალი“) შინაგან საქმეთა სამინისტროს საქვეუწყებო დაწესებულება სასაზღვრო პოლიციის (შემდგომში „ბენეფიციარი“) მიერ ზაფხულის ფესხაცმლის შესყიდვის მიზნით გამოცხადებულ ელ. ტენდერში (NAT220002399) წარდგენილი თავისი სატენდერო წინადადების შესაბამისად, იკისრა ვალდებულება წარმოადგინოს საბანკო გარანტია მასზე დაკისრებული ვალდებულების შესრულების გარანტიის სახით, ბენეფიციართან გასაფორმებელი ხელშეკრულების (შემდგომში „ძირითადი ხელშეკრულება“) უზრუნველსაყოფად, ჩვენ, სს „სადაზღვევო კომპანია ევროინს ჯორჯია“ (შემდგომში „გარანტი“), თანახმა ვართ გავცეთ პრინციპალის სახელზე ზემოთ აღნიშნული გარანტია.

ამასთან დაკავშირებით ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით თანხაზე არაუმეტეს 52,500.00 (ორმოცდათორმეტი ათას ხუთასი) ლარისა და ვკისრულობთ ზემოთ აღნიშნული თანხის გადახდის უპირობო და გამოუთხოვად ვალდებულებას პრინციპალის მიერ ძირითადი ხელშეკრულების პირობების დარღვევის შემთხვევაში ბენეფიციარის პირველივე წერილობითი მოთხოვნისთანავე აუგვიანეს 5 (ხუთი) სამუშაო დღისა.

წინამდებარე გარანტია ძალაში შედის 2022 წლის 12 აპრილიდან და მოქმედებს 2023 წლის 01 აპრილის ჩათვლით.

აღნიშნულიდან გამომდინარე, ნებისმიერი მოთხოვნა ან პრეტენზია გარანტის მიერ მიღებული უნდა იყოს საბანკო გარანტიის ვადის გასვლამდე (2023 წლის 01 აპრილის 18:00 სთ. ჩათვლით), შემდეგ მისამართზე: საქართველო, ქ. თბილისი, ილო მოსაშვილის ქუჩა, №24 - სს „სადაზღვევო კომპანია ევროინს ჯორჯია“. მოთხოვნა ანაზღაურებაზე ბენეფიციარის მიერ წარმოდგენილი უნდა იქნეს ბეჭდით დადასტურებული (არსებობის შემთხვევაში) წერილობითი ფორმით, სადაც მითითებული იქნება მოთხოვნილი თანხა და ის გარემოება, რაშიც გამოიხატება პრინციპალის მიერ ძირითადი ვალდებულების დარღვევა. მოთხოვნას ხელს უნდა აწერდეს ბენეფიციარის უფლებამოსილი პირი და თან უნდა ერთვოდეს საბანკო გარანტიის ასლი.

წინამდებარე გარანტიის მოქმედება არ ვრცელდება ვალდებულების შეუსრულებლობის ან/და არაჯეროვანი შესრულებისათვის დაკისრებული სანქციებით (პირგასამტეხლო, ჯარიმა, საურავი და/ან სხვა) წარმოშობილ ვალდებულებებზე, აღნიშნული პირობა მოქმედებს ბენეფიციარსა და პრინციპალს შორის დადებული ხელშეკრულებით (რომლის უზრუნველსაყოფადაც გაიცემა წინამდებარე გარანტია) დადგენილი ფინანსური სანქციებისა და ძირითადი ვალდებულების ანგარისწორების რიგითობის მიუხედავად. წინამდებარე გარანტიის მოქმედება ასევე არ ვრცელდება მის ძალაში შესვლამდე წარმოშობილ ვალდებულებებზე.

საბანკო გარანტია ავტომატურად უქმდება:

- საბანკო გარანტიის ვადის გასვლით;
- ბენეფიციარისთვის იმ თანხის გადახდით, რომელზედაც გაიცა გარანტია;
- ბენეფიციარის მიერ გარანტიიდან გამომდინარე საკუთარ უფლებებზე უარის თქმისა და გარანტიის დედნის გარანტისათვის დაბრუნების შემთხვევაში.

წინამდებარე გარანტია რეგულირდება საქართველოს კანონმდებლობით და გაცემულია პრინციპალსა და გარანტს შორის 2022 წლის 12 აპრილს გაფორმებული საბანკო გარანტიით მომსახურების შესახებ №400099391 ხელშეკრულების საფუძველზე.

გენერალური დირექტორი

გიორგი სულამანიძე



საგარანტიო მოთხოვნის წარმოშობის ან ნებისმიერი საჭიროების შემთხვევაში,
გთხოვთ, დაუყოვნებლივ დაგვიკავშირდეთ:

In case of bank guarantee, please contact us:

თბილისი 0162, მოსაშვილის ქ.24, ტელ: +995 (32) 220 88 88/225 77 77; ფაქსი: +995 (32) 291 24 27;
24 Mosashvili street, Tbilisi 0162, Georgia. Tel: +995 (32) 220 88 88/225 77 77; Fax: +995 (32) 291 24 27;

ელ. ფოსტა: info@euroins.ge; www.euroins.ge